



Politička organizacija građana "Naša stranka"  
 Branilaca Sarajeva 5/1, 71 000 Sarajevo  
 Telefon: 033 551 225; Fax: 033 551 226  
 E-mail: nasastranka@nasastranka.ba  
 Web: www.nasastranka.ba

Bosna i Hercegovina  
 FEDERACIJA BOSNE I HERCEGOVINE  
 PARLAMENT FEDERACIJE BOSNE I HERCEGOVINE  
 PREDSTAVNIČKI - ZASTUPNIČKI DOM  
 SARAJEVO

Dobijeno: 12-05-2016			
01	02	1078	1/16

**Dr. Dennis Gratz**  
 Zastupnik u Predstavničkom domu Parlamenta Federacije Bosne i Hercegovine

Broj: 065/16  
 Sarajevo, 12.05.2016.

**Dostaviti:**  
 Bosna i Hercegovina  
 Federacija Bosna i Hercegovina  
 Parlament Federacije BiH – Predstavnički dom  
 n/r Edin Mušić, predsjedavajući

**PREDMET: PRIJEDLOG ZAKONA O IZMJENAMA ZAKONA O REGISTRACIJI POSLOVNIH SUBJEKATA U FEDERACIJI BOSNE I HERCEGOVINE – ZASTUPNIK DENNIS GRATZ**

Poštovani,

na osnovu člana 179., a u vezi sa članom 163. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, broj 69/07 i 2/08), dostavljam Vam **Prijedlog zakona o izmjenama Zakona o registraciji poslovnih subjekata u Federaciji Bosne i Hercegovine**. Predlažem da se isti razmatra po redovnom postupku.

U prilogu Vam dostavljam tekst **Prijedlog zakona o izmjeni Zakona o izmjenama i dopunama Zakona o stvarnim pravima** sa obrazloženjem na bosanskom jeziku i elektronsku verziju istog.

S poštovanjem,

**Dennis Gratz**  
 Zastupnik u Predstavničkom domu Parlamenta Federacije BiH  
 Naša stranka

- Dostaviti Vladi Federacije BiH
- Dostaviti Predstavničkom domu Parlamenta Federacije BiH

Bosna i Hercegovina  
 FEDERACIJA BOSNE I HERCEGOVINE  
 PARLAMENT FEDERACIJE BOSNE I HERCEGOVINE  
 DOM NARODA  
 SARAJEVO

Primljeno: 12-05-2016			
Org. jed.	Broj	Priloga	Vrijednost

**DENNIS GRATZ**  
ZASTUPNIK U PREDSTAVNIČKOM DOMU  
PARLAMENTA FEDERACIJE BOSNE I HERCEGOVINE

PRIJEDLOG

**ZAKON**  
**O IZMJENAMA ZAKONA O REGISTRACIJI POSLOVNIH SUBJEKATA U**  
**FEDERACIJI BOSNE I HERCEGOVINE**

**Sarajevo, maj 2016.**

Na osnovu člana 179, a u vezi sa članom 163. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", broj 69/07 i 2/08), podnosim

## ZAKON

### O IZMJENAMA ZAKONA O REGISTRACIJI POSLOVNIH SUBJEKATA U FEDERACIJI BOSNE I HERCEGOVINE

#### Član 1.

U Zakonu o registraciji poslovnih subjekata u Federaciji Bosne i Hercegovine („Službene novine Federacije BiH“, br. 27/05, 68/05, 43/09 i 63/14) u članu 13. tačka 8) mijenja se i glasi:

„8) naziv, broj i datum akta o osnivanju subjekta upisa, na kojem potpisi lica koja ga zaključuju moraju biti ovjereni u skladu sa zakonom;“

#### Član 2.

U članu 22. stav (1) tačke 2) i 3) mijenjaju se i glase:

„2) akt o osnivanju ili akt o izmjenama općih podataka od značaja za pravni promet već osnovanog, odnosno registriranog subjekta upisa kojim se utvrđuje osnivanje, odnosno izmjena bitnih podataka, pri čemu potpisi na istima moraju biti ovjereni u skladu sa zakonom;

3) statut poslovnog subjekta, pri čemu potpisi na istom moraju biti ovjereni u skladu sa zakonom;“.

#### Član 3.

U članu 23. stav (1) tačke 2) i 3) mijenjaju se i glase:

„2) akt o osnivanju, na kojem potpisi moraju biti ovjereni u skladu sa zakonom;

3) statut, na kojem potpisi moraju biti ovjereni u skladu sa zakonom;“.

#### Član 4.

U članu 24. stav (1) tačke 2) i 3) mijenjaju se i glase:

„2) akt o osnivanju banke, na kojem potpisi moraju biti ovjereni u skladu sa zakonom;

3) statut banke, na kojem potpisi moraju biti ovjereni u skladu sa zakonom;“.

#### Član 5.

U članu 25. stav (1) tačke 2) i 3) mijenjaju se i glase:

„2) akt o osnivanju, na kojem potpisi moraju biti ovjereni u skladu sa zakonom;

3) statut društva, na kojem potpisi moraju biti ovjereni u skladu sa zakonom;“.

#### **Član 6.**

U članu 26. stav (1) tačka 2) mijenja se i glasi:

„2) akt o osnivanju, na kojem potpisi moraju biti ovjereni u skladu sa zakonom;“.

#### **Član 7.**

U članu 27. tačka 1) mijenja se i glasi:

„1) akt o osnivanju, na kojem potpisi moraju biti ovjereni u skladu sa zakonom;“.

#### **Član 8.**

U članu 29. tačke 2) i 3) mijenjaju se i glase:

„2) akt o osnivanju, na kojem potpisi moraju biti ovjereni u skladu sa zakonom;

3) statut, na kojem potpisi moraju biti ovjereni u skladu sa zakonom;“.

#### **Član 9.**

U članu 30. riječi „notarski obrađen“ brišu se, a iza riječi „osnivanju“ dodaju se riječi „sa ovjerenim potpisima ugovarača u skladu sa zakonom“.

#### **Član 10.**

U članu 33. riječi „notarski obrađen“ brišu se, a iza riječi „podataka“ dodaju se riječi „na kojem potpisi moraju biti ovjereni u skladu sa zakonom“.

#### **Član 11.**

U članu 36. stav (1) riječi „notarski obrađene“ brišu se, a iza riječi „društva“ dodaju se riječi „na kojem potpisi moraju biti ovjereni u skladu sa zakonom“.

#### **Član 12.**

U članu 38. stav (1), riječi „notarski obrađene“ brišu se, a iza riječi „osnivanju“ dodaju se riječi „na kojem potpisi moraju biti ovjereni u skladu sa zakonom“.

U članu 38. stav (2), riječi „notarski obrađene“ brišu se, a iza riječi „osnivanju“ dodaju se riječi „na kojem potpisi moraju biti ovjereni u skladu sa zakonom“.

U članu 38. stav (3), riječi „notarski obrađene“ brišu se, a iza riječi „statuta“ dodaju se riječi „na kojem potpisi moraju biti ovjereni u skladu sa zakonom“.

U članu 38. stav (4), riječi „notarski obrađene“ brišu se, a iza riječi „statuta“ dodaju se riječi „na kojem potpisi moraju biti ovjereni u skladu sa zakonom“.

### **Član 13.**

U članu 39. stav (7) riječi „notarski obrađena“ brišu se, a iza riječi „akta“ dodaju se riječi „na kojem potpisi moraju biti ovjereni u skladu sa zakonom“.

### **Član 14.**

U članu 42. riječi „notarski obrađeni“ brišu se, a iza riječi „podjelom“ dodaju se riječi „pri čemu potpisi na istima moraju biti ovjereni u skladu sa zakonom“.

### **Član 15.**

Ovaj zakon stupa na snagu osmog dana od dana objavljivanja u “Službenim novinama Federacije BiH”.

# OBRAZLOŽENJE PRIJEDLOGA ZAKONA O IZMJENAMA ZAKONA O REGISTRACIJI POSLOVNIH SUBJEKATA U FEDERACIJI BOSNE I HERCEGOVINE

## I – USTAVNI OSNOV

Ustavnopravni osnov za donošenje ovog zakona sadržan je u odredbi člana IV.A.20. (1) d) Ustava Federacije Bosne i Hercegovine, kojim je propisano da je Parlament Federacije Bosne i Hercegovine nadležan za donošenje zakona o vršenju funkcija federalne vlasti.

## II – RAZLOZI ZA DONOŠENJE ZAKONA

Razlog za donošenje ovog zakona je presuda Ustavnog suda Federacije Bosne i Hercegovine kojom je utvrđeno da član 6. stav 1. u dijelu koji glasi „kao i osoba koja ispunjava pretpostavke iz stava 2. ovog člana“ i stav 2. istog člana, te čl. 27 i 73. Zakona o notarima („Službene novine Federacije BiH“, broj: 45/02) nisu u skladu s Ustavom Federacije BiH.

S tim u vezi predlagač je predložio odgovarajuće izmjene Zakona o registraciji poslovnih subjekata u FBiH, obzirom da se odredbe koje su predmet izmjena i dopuna izvode iz odredbi koje su presudom Ustavnog suda FBiH proglašene neustavnima. Njihovo usklađivanje je iz tog razloga bilo neophodno.

Predmetom usklađivanja su sve one odredbe u kojima su predviđene obaveze notarske obrade isprava. Sve izmjene predložene ovim zakonom ukidaju ekskluzivno pravo notara da sačinjavaju isprave neophodne za upis poslovnih subjekata u sudske registre, tj. isprave kojim se upisi mijenjaju i dopunjuju, kao i da vrše druge radnje na koje su imali isključivo pravo. Ovo pravo sada imaju i druga ovlaštena lica.

## III – FINANSIJSKA SREDSTVA

Za sprovođenje ovog zakona nije potrebno osigurati dodatna finansijska sredstva u Budžetu Federacije BiH.

S poštovanjem

  
Dennis Gratz

Zastupnik u Predstavničkom domu Parlamenta Federacije BiH  
Naša stranka

### DOSTAVITI:

- Naslovu
- Vladi Federacije BiH
- Parlamentu FBiH - Predstavnički dom i Dom naroda Parlamenta FBiH
- Stručnoj službi Parlamenta FBiH – n/r predsjednika klubova poslanika parlamentarnih stranaka
- Evidencija